

## На Господи воззвах

ставим стихов 10 и поем Триоди самогласен дне, дважды, и подобны 3, и праздника 3, повторяюще две, глас 6. Подобен: Всю отложивше:

Совéт превéчный/ открывая Тебе, Отрокови́це,/ Гаврийл предстá,/ Тебе лобзая и вещá:/ Рáдуйся, земле ненасéянная:/ Рáдуйся, купино неопалýмая:/ Радуйся, глубино неудобозрýмая:/ Радуйся, мосте, к небесéм преводáй,/ и лествице высóкая,/ юже Иаков вíде:/ Радуйся, божественная стамно мánны,/ Рáдуйся, разрешение кля́твы,// Радуйся, Адамово воззвание, с Тобóю Госпóдь. (**Дважды**)

Являешися мне яко человек,/ глаголет нетленная Отроковица ко архистратигу,/ и како вещаеши глаголы паче человека?/ со Мною бо рекл еси/ Бог быти, и вселитися во утрóбу Мою./ И кáко бúду,/ глаголи Ми, вместилище пространное/ и место священия херувимы превосходящего,/ да не прельстиши мене лестию,/ не бо познах сласти,/ браку есмь непричастна:// как убо Отрочá рожду? (**Дважды**)

Бог идеже хощет,/ побеждается естества чин,/ глаголет безплотный,/ и яже паче человека содеваются,/ моим веруй истинным глагóлом,/ Всесвятая Пренепорóчная./ Она же возопи: буди Мне ныне по глагóлу твоему,/ и рóжду Безплотнаго, плоть от Мене зáимствовавшаго,/ яко да возведет человека, яко Един Силен,// в первое достояние с растворéнием.

**Слава, и ныне, глас тойже, самогласен. Иоанна монаха:**

Послан бысть с небесе Гавриил архáнгел,/ благовестити Деве зачáтие:/ и пришéд в Назарéт,/ помышляше в себе, чудеси удивляяся:/ о кáко в вышних непостижимъ сый от Девы рождается!/ Имéяй престол небо и подножие зéмлю,/ во утробу вмещается Девíчу:/ на негó же шестокрилатии и многоочитии зretи не мóгут,/ словом единым от Сея воплотитися благоизволíй,/ Божие есть Слово настоящее./ Что úбо стою, и не глаголю Деве:/ Радуйся, Благодатная, Господь с Тобою:/ Радуйся, Чистая Дево,/ Радуйся Невесто Неневестная,/ радуйся, Мати Живота,// благословен плод чréва Твоего.

**Вход. Свете Тихий: Прокимен, и чтение дне, и праздника три.**

**Таже, Да исправится молитва моя: И поклоны 3 великие, и прочее преждеосвященных.**